



猶是青雲舊如今白髮新人生貴得志此別定
傷神贈別無佳句長愁只病身看花知有日莫
惜馬蹄頻

過伍光宇故居

伊人觀化後此日復來遊山屋門長掩溪橋水
自流訪鄰時已晚懷舊意空留僥仰悲身世林
風野逕秋

白沙先生全集卷之十六

白沙先生全集卷之十七

五言律詩

寄張進士廷實

是詩難入俗正坐不雕鑄水蒲魚爭躍花深蝶
喜穿日高雲卧處春在鳥啼邊不及陳無已能
無賞自然

秋中寄興同前感事韻錄寄東所兼呈雲

谷老隱一咲

山人無外事白首稚兒同弄水溪堂背爭棋紙

局中盆池秋見月竹院夜呼風觸事成唐句狂
歌向碧空

偕伍伯饒楊伯順甥舅順德李子長遊李

村山

遊走意何窮天樞日夜東青山都老脚破笠又
春風逕草分遙碧巖花墜小紅乾坤渾欲別何

處問壺公

晝睡偶成寄玉臺僧文定

老脚春還短名山夢每登玉臺天上寺文定意

中僧得法休藏鉢傳心信有燈道人北窓下一
枕一曹騰

春日書事

開年今日雨踈柳小塘春紫燕將歸社黃鸝欲
喚人未明事南畝選日聘西賓元亮朝朝醉江
村白酒新

春日江村二首

時候花先覺陰晴鳥自知登山嫌避客得句樂
呼兒蔓草披香逕垂楊覆淺漪美人期未至江

月幾盈虧

草帶籬腰綠花簪石頂紅
林園開畫景鶯燕語
春風山靄霏霏合江流渺渺東
獨來橋畔路高拄過眉筇

驛吏送酒

市榼通郵吏山盃洗侍兒
十分春意思一副酒
肝脾江嶺長看盡風花不盡詩
混然天地內公是醉鄉誰

春日醉中言懷

山林亦朝市朝市亦山林
兩鬢白於舊三杯狂
到今予雲休擬賦元亮已忘琴
南山千丈石可以明我心

古人不可見空見古人心
春風開我錢流水到誰琴
無說可傳後何才敢議今
玉臺花信少扶杖更西林

與客談詩

風雅餘三百唐音僅幾家
夢猶將影說癢莫隔靴爬
豈是安排得胡爲孟浪誇
超然不到處應

是用心差

雨中李世卿往還

助談風滿席伴宿月流衾貧賤交游冷江山脚
跡深惠連何處夢孟母此時心稍歇松齋雨還
來辨綉針

得林憲副待用書有懷故友張蕪素

蹇蹇張蕪素從君致匪躬天來今日定書展故
人封賈傅生還慟湘纍死亦忠平生兩行泪萬
里寄秋風

寄容貫圭峰

西峰扶策上病骨快新涼乞米分僧飯聞香過
梵堂閉門秋竹靜語鳥暮鐘藏浩浩蒲團上還
同在醉鄉

落日荒臺上疎松古塔邊身休論出世趣欲到
無絃峰閣初生月渠通自到泉西菴憑借問許
住過殘年

江村晚望寄世卿圭峰

一望一延緣諸山進目前鄉邦無一老知舊半

重泉黃葉寺旁下白雲池上連無窮幽澗水日
夜注東川

贈黃進士廷璋還京

錦衣在親旁飲酒日百觴樂處嫌春短離心向
夜長青雲冠蓋起黃甲姓名香五色持文綫千
年補

舜裳

白雀群飛益高

取勢翩翩上江空暮雨餘情輕鳩並婦聲細鴈

呼奴白雪灑孤嶂青天開一圖安能隨蚱蜢躑
躑在泥途

得林別駕書云去秋九月嘗夢予於廣信
舟中兼示道路所聞

潦倒年斯邁芳菲日自遲忽聞天上夢又落世
間疑扛鼎須憑力無才敢與知涪翁亦秋思謾
寄穎濱詩

重過大忠祠

宋有中流柱三人吾所欽青山遺此廟終古厭

人心月到崖門白神遊海霧深與亡誰復道猿
鳥莫哀吟

春陰偶作寄定山

浩浩川流疾冥冥嶺樹陰共憐春錯莫更覺老
侵尋宿雨衰花氣朝陽絕鳥吟誰能盡天道俛
仰此懷深

用前韻寄廷實

吾猶堪起倒吾肯謝親賓在世寧須此如公故
可人百年應得見一面始能親獨向湘江去無

忘越嶺春

無才慵作吏有酒喜留賓老更耽高卧時還近
俗人鐘鳴山寺遠月出土床親何處期吾子笙
歌玉洞春

築室二首

垂老無筋力寧非板築人居常只謾過即事始
知貧海國秋風早山房夜氣新癡兒解了事吾
坐養吾真

一室無多事貧家每作難從來無厚積况復不

能慳貸粟千知友營材入遠山三間開土閣聊
得奉慈顏

送景易赴秋試

未達窮通理難忘得失心安能謝朝市且莫厭
山林烹鼎須兼味吹竽當好音文章無定價敝
帚不論金

圖新書舍懷世卿時別白沙半月

月上齋垣白踈梅共主賓偶來對月飲不見如
花人已覺書難至常疑夢與親海山猶在眼何

處却逢春

龍眼

龍眼何年種嗟嗟舊主人卑柯今蔽日腐骨已
成塵春雨沾花足秋虫食實頻流形非木石髮
脚半搔銀

始聞秋風作

西風中夜起天地始肅清白鴈霜前意玄蟬露
下聲幽人亦何事版築初經營何時登此閣坐
望羅浮征

題容氏輓冊

中秋悲蹟掃秋思忽依依此夜月還照何年鶴
始歸猿啼新宰木卷納舊蓑衣大塊終同爾誰
能駐落暉

梅花詩

山竹深深逕梅花淺淺塘清冷朝弄影芬馥夜
浮香瘦骨交撐月橫稍直過墻啄英終飽德靈
鳳或來翔

探梅非探梅梅花滿玉臺北風吹盡日踈雪點

荒苔色得乾坤正精成造化胎無人知老子剛
坐一牛來

何處尋梅好羅浮海上春樹環鐵橋盡地與葛
仙隣煉藥香生鼎拔崖影落身西湖十頃水未
洗往來塵

彼美枝頭雪微韜嶺上雲低迷明月寺掩映葛
洪墳北海樽能倒西湖地索分幽香偷未得衫
袖細氤氳

手種梅千樹山寒半欲花歲闌知此意溪上問

誰家素豔明爭雪青蘿倒縮蛇還須邵康節來
駕白牛車

逐客

笛聲且莫哀逐客過江隈還到此邊去盡因何
事來著書多在篋遇酒輒啣盃莫言生意盡寒
雨濕枯荻

得張主事廷實書

十口雖無累三年不易更春雷轟令問枯木嚼
官情長夜鄉心切何時會計成登高望東海到

眼是蓬瀛

新涼欺老臂索被護殘更月到思君處書通在
客情有家寧免累作吏轉難成日踏皮鞋破思
量舊閨瀛

三口丘園舊離群跡半更幾時重見面中夜獨
馳情眠食今何似頭顱尚可成定山名教頂賀
老却登瀛

持燭圭峰寺宵談僕屢更一爲方外友都沒世
間情面壁僧猶在栽蓮社未成孤舟破危浪載

月下東瀛

用韻寄潘時用

文章豪自寄丘壑靜還更久病依人世長貧慙
婦情辰婦岳氏嘗止辰赴秋試人爲知己惜天與後生成更
約齊州外從吾泛大瀛

久雨

樹隱雲深黑籬崩水亂流凌風快燕子上壁定
蝸牛老更憐兒病人多爲草憂朝朝稽叔夜誰
辨不梳頭

用韻寄姜進士仁夫

書愛八分小來書喻率更雲霄初接武江海尚
留情世事非難料人才怕小成諸賢湏汲汲吾
老獨觀瀛

用韻寄林緝熙平湖

秋懷耿不寐更靜復聞更水向漫漫注心含種
種情士應強到底官豈怠將成舊業羅浮外東
南望隔瀛

用韻効寒山二首

貧賤耻爲拙富榮常好更高論古今事中懷名利情堂堂無復見小小或能成浪說神仙在從來不住瀛

四郊多竊盜村裏夜支更爲語長官道能無患盜情家家愁日暮處處望秋成飢飈飽倉粟苦海變蓬瀛

贈劉程卿別

蕭菴今又別酒醒問圭峰秋色此溪樹暝煙何處鐘功名悲夢蝶文字恥雕蟲故里荒墳在歸

來拜一峰

病疥用后韻寫懷四首

癢極肌難忍爬深血有稜老親令就枕小婢問留燈屋漏頻推瓦床搖屢束藤同袍誰問疾端愧玉臺僧

呻吟不盡痛夕枕傍慈幃安得身長徤朝朝見彩衣無膚臀奄赤乍腫臂疑肥睡過西廊月寒空淡不輝

缺月生殘夜微風引洞簫心閑髮少白人老病

難消出戶行看月移舟釣落潮酒錢不挂杖著
處解奴腰

病枕愁更永籠燈對夜長千年無鮑叔一懶有
柴桑兒請栽瓜地妻評作麴方花時呼酒伴酪
酌出扶墻

贈黎蕭二生別

白髮孤燈坐青春二妙來若無天度量爭得聖
胎胎至樂終難說真知不着猜濛濛煙雨裏歸
思若爲栽

野坐

團蓋青松午重茵綠草春野晴鶯得意花盛蝶
傷神斷靄生西塢殘潮下暝津竹根酣共卧不
覺鮮粘身

梅花二首

世傳詠梅句天下共稱竒花有無言妙人間都
未知正嗟同賞絕又過半開時安得邵康節為
我問庖羲

風月交游淡江山几席閑夜深花睡去肯有夢

來還引步尋香易無心弄影難乾坤留此妙何
處覓孤山

謝客

客舫初辭岸主翁仍在床十年今轉數一飯故
難償竹杪風生汗天邊雨送涼所思王叔度歲
晚得同堂

漾漾湖侵岸蕭蕭風引旗問兒打鼓處是客發
船時鬻履時將暮迎門俗久衰祇應巢許輩掩
口笑人癡

寒雨中作

有期久不至旦旦問童奴雨過荆扉濕風回樹
葉疎興移剡溪舫詩在霸橋驢風韻今誰繼千
年勝事虛

喜梁文冠至

駐槩梅村夜風光勝早春直知花是路不覺月
隨身草木皆知舊江湖多賤貧短蓑來往數等
是最閑人

雨中致竹

心被清虛引非關索竹看檐前總數個淇上已
千竿微雨土初覆北風天正寒昆丘有孤鳳何
處啄琅玕

楚雲臺呈世卿四首

行窩還幾處雲水且吾臺雨脚風吹斷潮頭月
湧來野橋牽水度沙逕逐牛回亦有采樵者放
歌行負醕

三盃拈鐵遂見月上瑤臺初弄山石裂再轟仙
鶴來夜闌試靜聽曲罷仍遲回何必揚州去前

村多美醕

有月巖光瀨無金郭隗臺悠悠百年內又見一
人來水檻秋逾好山雲暝欲回相逢各心醉一
語浹春醕

爽氣通秋服溪流靜晚臺高樓多自恣真賞復
誰來對月詩方妙看山夢始回市沽堪便醉况
乃是家醕

寄吳明府同世卿遊玉臺

圭峰雨初霽策馬向松關流行忽滿澗白雲長

在山棄置千般事來投半日閒上方禪榻靜坐
到暮鐘還

生日答吳明府獻臣

生日何人記南枝報長官酒香同客醉花少避
人看後甲惟元祀浮生又五寒凭軒一長嘯風
日蒲江山

尋梅飲李鴻宅用服周韻

今晨風日佳策杖去尋梅獨樹山中老危枝石
上開時看殘臍盡人望早春來誰解忘情得神

功付此盃

贈世卿別二首

客路經南嶽湘帆背嶽開江湖閑老夢歲月是
君來相見兒童喜別離琴瑟哀惟應楚雲外更
起望仙臺

豈無千日酒花下與君同客思朝臨水歸旗夜

引風一槎當浦口莊定一枕在遼東賀克何事

今爲別藤蓑還贈公世卿乞予

藤蓑贈之

贈世卿遊山二首

萬丈崑崙頂冥棲憶老關君看白龍水何似黃
公山有酒終日醉無官到處聞南風乃何意又
送楚舟還
朝來生紫氣此地亦函關帽頂花沾雨雲中人
下山相逢欲大咲不語是真閒晚向東亭醉猶
能騎馬還

世卿將歸二首

會有還鄉意深慚不自量毋留兒作伴妻爲客
求漿臺傍明朝旭松堂閉夜涼延緣過殘長浦

意泛瀟湘

與君雲水別何夢得商量合是真調鼎能忘老
賣漿還山非早計舉棹是秋涼有路通衡岳無
詩吊楚湘

贈饒鑑

君又去東津東津月送人周游千里道細問百
年身野色淡將暝江桃疑是春丹青如可贈畫
我小崑崙

梅花

草木自有性湖山更乞靈冰霜仙骨瘦桃李世
情腥惹袖香全別和羨子未青未須携鐵笛吹
月上湖亭

喜何竹窻重過白沙話舊贈之二首

此君爲別久不逐衆芳凋白葛身已老青雲即
獨超春風吹細浪落日泛輕橈楚雲有高樹未

肯桂公瓢

憶年四十許公弟立如山行止相料理漁樵共
往還餘情空耿耿秋髮各斑斑不是公憐我清

顏誰更攀

聞林緝熙初歸自平湖寄之

短世淵明醉長愁子美謔高情誰復爾久別公
如何淡月初出浦好風來颺蓑買田滄海上耕
亦不須多

張地曹見和寄林縣博用韻答之二首

無心雲自在得意鳥同謔白骨可人醉

杜詩古
人白骨

生青苔如何
不飲令心衰蒼生如命何漁樵真有道煙水別

傳蓑想見滄溟外東南月更多

安得李太白樽前同爾哥自從識象岡未始離
無何草長遊人路風鳴挂樹哀東隣古大嫂揜
口笑何多

和子長民澤論詩寄與羅浮之作

浮雲千老夢拉伴騁遙臨揮手謝人世聞歌生
我心今年春又過何處洞還深深相憶山樓暮依
依向遠岑

再用韻示諸生

賢聖低回久千年想一臨希顏非樂道疑孟失

求心逸駕行應速寒泉汲務深嘗聞根本學不
盡泰山岑

贈李司訓別

江門雲水地不絕往來交已恨栽花晚寧辭抱
甕澆月疑窻下枕風語樹頭瓢精舍明朝別何
時還見招

再用韻寫懷

孤形將影住一臂與誰交矯矯志欲競栖栖習
恐澆江山一得手風月盡歸瓢始覺逍遙外人

間未易招

代簡谷府尊林先生慶老母生日

有母年齡暮逢辰喜懼深多儀安敢却揣分故
難任錦段拈香拜仙醅洗觥斟獨慚非節孝未
了百年心

秋坐碧玉樓偶成

造次中秋過商量九日來詩將秋景淡菊共老
人開時節陶潛醉江山宋玉哀平生滄海意不
受白鷗猜

山中猶遠志小草已人間

近得東白先生書在
山遠志出山小草故

及不是無經濟誰能斷往還江魚肥入饌霜橘
綠堆盤問我心何住紅藤拄杖端

碧玉架雲端朝朝倚玉看時情膏火裏世事奕
棋間古榻多便靜華簪不博閑籬根散髮醉又
對菊花斑

夢楊敷道定山事

夢語者為誰湖西舊見之聊寬野老意未了定
山疑貧病吾猶是多愁俗豈知百年將滿日心

亂不成詩

九日嘉會樓登高四首

引步下前除
兒扶杖亦扶
會於何處勝
客有去年無
天道常流轉
園林又變疎
暫留賞今日
醉莫看茱萸

兼有吟詩病
何妨着酒扶
景逢佳處少
句向覓時無
醉去乾坤小
醒來伴侶疎
今朝嘉會會
不盡看茱萸

半酣壺矢折
又減兩三扶
九日江門有
千年粟里無
山形當晚瘦
脚跡向秋疎
問我登高去
都忘菊與萸

溪邊菊一區
溪竹兩相扶
草木從吾好
風霜殺此無
閑同九日醉
浩咲一生疎
試問千雲檜
如何小汴萸

楚雲臺觀民澤所栽菊寄民澤用昨日韻
昔民澤還五羊未返

當軒玉朶孤
植竹翠莖扶
香細風初動
神清俗本無
寒深溪井涸
月出山瓢疎
何處異鄉客
水

懷歌策策

野菊一首寄子長

野菊生何處尋香杖偶扶孤標猶訝絕佳色舊
知無老弄真成獨秋來不作踈金樽誰九日引
蒲對策策

吳明府送菊次韻答之

黃菊有名花淵明無酒官酒多人自醉花好月
同看老未厭人世天教共歲寒未應携不去高
步蓬萊山

荅周潮州萬里

今代潮州守濂溪是一門乾坤吾道在歲月此
心存行次天邊路書投海上村夕愁空竚望風
雨暗高原

汪巡按見訪

嶺南經畧地柱史不謀身料理安危事更張文
武臣風行先動草寒極正開春傾蓋江樓暮揮
盃勸故人

寄題小圓岡書屋和民澤

四野雲飛盡圓岡一室清至虛元受道真隱或
遜名有疏微言塞無爲大業成一聲聞絕唱五
岳看全輕

劉少叅見寄次韻奉荅

西川一杯水爲我浣詩塵身落滄溟遠心將翰
墨親江樓初見客野徑別藏春十郡停車地千
峰擊壤民

贈李世卿三首

楚客復歸楚青山此送君往來十年破精力半

生分着意當時見留情異代聞若非真有見何
處謝浮雲

三尺短春蓑山風吹薜蘿人材非管樂吾道不
丘軻送老諸名岳全生一病窩相思憑寄語路
打祝融過

落日蒼梧望清風發棹謳楚山正西上江水自
東流作伴春携酒談詩月滿舟洞庭看未透更
上岳陽樓

題黃公釣臺

小小離人意羊裘却未工今人多白眼爲我謝
黃公弄釣浮沉見登庖撥刺空浩歌泉石裏况
有古人風

曉枕示湛雨龔曰高

二千六百丈脚底是飛雲悠悠四十年欲往念
徒勤多謝紅藤子扶吾還數君鐵橋問何如見
景勝於聞

萬年如一瞬莫問我浮生風雨將秋至山河載
月明語簷幽鳥樂對竹小童清夜夜湘江夢與

君何日行

再和曉枕寄廷實二首

仰見雙白鶴高飛入紫雲苟無脫俗意安用看
山勤好句能傳我幽期敢後君異時鐵橋詠莫
遣世人聞

萬往皆有復左車不復生西風今夜起朗月四
山明天馬非常步鐵橋相伴清去去莫復顧衡
山頂上行

曉枕再和韻

平生老黃石引望空白雲無人知感激爲我盡
殷勤何處尋吾契名山訪道君洞天三十六步
步聲相聞

外生即非死胡爲樂久生去來大化內俗眼未
分明我壽元無極君才亦太清五峰南斗上何
日踏歌行

中秋二首

平樓時穩步身虛欲翩翩明日秋始半中天月
最圓武昌書未返督府句堪傳衡岳那能去羅

浮何處煙

廣寬天自然浮雲任飄翻隨時有憂樂與物無
方圓酒底月未咽水中神莫傳去年今夜艇吾
欲破湘煙

彭司寇挽詞

男子固多奇如公更不疑經綸思昔日功業問
當時鬼幸村巫小棋還國手知杜陵秋月下興
盡八哀詩

侃侃亦閭閻行違榜要津鳥還江上暝人老世

間春祿盡休言命愁多不爲親武夷最高處東
望一沾巾

斗氣空遺劍冰燈不照琴春懷不自得老病忽
相尋事往浮雲夢山餘宿草心平生孺子意絮
酒一何深

題雲津書院恭和劉氏

雲津杳何許試向卷中尋不覩六經教空餘百
代心嵩陽思識面白鹿尚遺音家有鴛鴦譜何
須更問針

春日寫懷二首

水際尋芳去花枝隔水新可憐今日望不是向
來人紫袖垂垂下黃鸝樹樹春東風天外至南
岳夢中身

一觴復一曲不覺夕陽殘好景我只醉春風人
未閑青紅今滿路風日未登山何如海中鳥鼓
翅蓬萊間

贈周文都

君行無日矣奈此別離何道遠書難寄年衰病

更多行行慎自愛浩浩不同波若見東山丈微
言共琢磨

贈黃希顏春試

北風雨如注是底別離時黃色眉端動青雲足
下馳兒童酣世豢國士醒心期去去江流疾還
君一贈詩

詩罷懷白洲先生

山東無近耗

白洲時爲
東左方伯

海上立斜暉童子覓

半去漁翁罷釣歸登舟人欲別

周文都赴
會試將行見月

鳥還飛何限相思意千峰獨掩扉

贈丁一桂

初日照甘棠千門一炷香南風催返棹西望欲
沾裳有廟旌遺愛無金歸故鄉未知忠定者先
請問崇陽

奉寄筠巢翁

昔別筠巢叟如今是幾年華顛將望百碧玉屢
添年寥寥千古下望望五峰前何日扶溪棹還
來別老仙

鄧御史公輔寄新刻陳君學論孟古義復
以是詩

兩漢非三代人才逐世低市朝多盡處
醜鷄古義昭昭對終篇短短題不因歐六一
得見昌黎

張綱

漢廷張御史何事便埋輪欲作千年計都忘一
箇身堂堂見意氣默默愧經綸却恨程明道升
青失寫真

吳節婦詩

江山逢此會真地作光輝路轉扶溪北山來越
嶺西春光流

聖澤明月照霜帷碧玉遙相賀雲中卧賦詩

汪海北計至四首

西所今亡矣皇穹肯不仁眼中還見此天下豈
無人海闊書頻至神交夢亦真人間秋半後回
首一沾巾

誠至通金石乾坤正惜君懷沙人不見脩古恨

鄧御史公輔寄新刻陳君舉論孟古義復
以是詩

兩漢非三代人才逐世低市朝多畫虎文字笑
醜鷄古義昭昭對終篇短短題不因歐六一爭
得見昌黎

張綱

漢廷張御史何事便埋輪欲作千年計都忘一
箇身堂堂見意氣默默愧經綸却恨程明道丹
青失寫真

吳節婦詩

江山逢此會真地作光輝路轉扶溪北山來越
嶺西春光流

聖澤明月照霜帷碧玉遙相賀雲中卧賦詩

汪海北訃至四首

西所今亡矣皇穹肯不仁眼中還見此天下豈
無人海闊書頻至神交夢亦真人間秋半後回
首一沾巾

誠至通金石乾坤正惜君懷沙人不見脩古恨

空聞歿世能千載還山但一墳海山今夜月空
照水中雲

望望白洋水滔滔碧玉流白頭聞有是傾蓋忽
相投天柱峰常在神龍雲正浮悲歌掩圖畫淚
落不能收

英雄滿襟淚不灑兒女胸窮愁當盡夜浩歎起
秋風幾點星初落千峰日未紅高樓慵引望興
盡一宵中

示景易

長鯨千里鬚鬣靈物一生竒化成端有日潛躍
因時感應天終定早暮命難期信知抱甕是安
事桔槔爲

題丁長官祠

千山多雨後百姓苦飢時老病無人問低回只
自知百感觀空盡扁舟適楚遲詩成遠莫寄分
付長官祠

謾筆

行年七十二七十一年非漁樵真有分語默各

因時比恨四愁具年方伯玉哀未行元屬我天
命更由誰

題筠巢卷

手把筠巢卷口詠筠巢詩白頭心折處碧玉夢
醒時夢將人待遠心與此君期想見千林暮還
同一鶴棲

寄張梧州克脩

還家臣職盡攝守郡符新心同端溪水跡比峽
山雲朝野無交牘桐江有釣綸時無張刺史

板但空聞

贈黃化州歸莆田

有客來何處多年守化州白雲秋自好碧玉夜
相投日月催人去行藏悵此休武夷洗足罷回
首望羅浮

枕上偶憶舊遊南海祠因懷故友林暎

予覺饒英氣携書話此宮清祠無厲鬼大水有
真龍過客窺諸葛論詩病長公往來三十載美
德併成空

卧遊上游庄

上游何處是試唱上游歌入澗花迷路出門雲
滿蓑景勝開圖畫春香醉綺羅靜對南岡頂月
明秋更多

再次韻荅鄭鈺巢

飄飄八紘外遠意竟誰分我抱三年病天生幾
樣人十年營一壙萬骨掩孤墳休休莫復論局
促此乾坤

次遊上游黃雲山韻

繫艇黃雲下黃雲幾度歌登高雲壓帽度密雨
霑蓑瀑澗宵鳴瑟山花晝擁羅野人携茗盃路
打鐵橋過

荅容北溪見訪

曲徑黃雲外青山一路深卷爲乘輿地人間何
處尋白龍三畝水紫府萬回心錦囊挑不去千
峰暮色深

中秋撥悶用舊韻

踈星圍碧玉秋氣正平分共持今夕酒又減去

年人白髮來千丈青山忽數墳年光付流水萬
物信乾坤

疊前

晚有悲秋意秋來此夜分可憐清夜酌盡是白
頭人紫蓋終携病朱陵願卜墳誰能天地外別
去覓乾坤

諱日

雖貧還講諱茲事俗之常時節難虛度杯盤祗
自傷五鼎終難具千秋敢勿忘痴兒雖未了清

白求流芳

迎醫寄左明府

帆開春鳥起蒿響曉鴉連日出千江水風連一
路煙病苦魔難敵情真事可憐平生左明府應
惠濟生丸

贈陸醫士左明府遣來

山雨睡初醒門前報陸生手持王氏藥重是長
官情分付一杯茗剛勞幾日程小詩何足謝聊
以著佳名

寄東所

病久惟聽命詩成不浪傳
門前花十丈玉井正
開蓮數椽剛到地一棟正橫天
不亡吾道在萬
萬歲相連

補遺

春日偶成

菊殘猶可對人老不須嗟
水閣風低柳山籬雀
啁花千門盡桃李十畝未桑麻
大禹須治水顏
回却卧家

又

競長家家柳齊開陣陣花
春添新富貴人老舊
煙霞歇枕黃鸝近開窓
白鳥斜草玄無意緒呼
酒對侯巴

白沙先生全集卷之十七

歐陽文忠公



白沙先生全集卷之十七

七

程